



Ole Petter Söderstrøm
Ievegen 213
5917 ROSSLAND

Referanser:
Dykkar:
Vår: 17/3004 - 17/24699

Saksbehandlar:
Marius Flemmen Knudsen
marius.knudsen@meland.kommune.no

Dato:
13.12.2017

Løyvingsbrev Gbnr, 49/145 lo SMIL 2017 - tilskot til inngjerding av beite med permanent elektrisk gjerde

Administrativt vedtak. Saknr: 353/2017

Saksutgreiing:

Vi syner til søknad motteke 03.12.2017.

Meland kommune vart for 2017 løyvd kr 250.000 i SMIL-midlar frå Fylkesmannen i Hordaland. Utval for drift og utvikling vedtok i møte 19.04.2016 ein ny SMIL-strategi for 2016-2019 med prioriteringar og satsar for kostnader. Søknadsfrist var 01.06.2017 og 10.11.2017. Då søknadsfristen gjekk ut hadde Meland kommune motteke 14 søknader, m.a. frå Ole Petter Söderstrøm for Gnr. 49. bnr. 145.

Ole Petter Söderstrøm har søkt om tilskott til: inngjerding av beite med permanent elektrisk gjerde på Gbnr. 45/8 som er leigd areal.

Tiltaket ligg i LNF-området i arealplanen og kommunen har registrert viktige miljøverdiar på arealet.

Vedlegg til søknaden som er levert:

- Kart over tiltaket
- Kopi av leigeavtale

Bruk gbnr. 45/8 har eit jordbruksareal på 17,5 daa, 123,7 daa skog og 109 daa anna areal. Driftsforma på bruket er storfehold.

Av SMIL-strategien går det fram at kommunen vil prioritere bygningar/byggverk, bygningsmiljø og landskap som er representative og særmerkt for vårt område, og bygningar som kan skape næringsaktivitet.

Kommunen meiner det er viktig å sjå dei ulike tenesteområda i samanheng og byggje vidare på tiltak som allereie er i gong, t.d. beiteprosjekt, gamle turveggar m.m. Nyetablerte kan prioriterast. Det vert sett krav om at før utbetaling kan skje til nyetablerte, må det vere beitedyr på garden.

Overordna prioriteringar:

1. Framleis satsing på biologisk mangfald, stell og rydding av beitemark med særleg vekt på truga landskapstypar som kystlyng og strandeng. Denne særlege satsinga skal ikkje fortrenge søknadar som gjeld vanleg beitemark, men er det knappe midlar skal ein prioritere kystlynghei og strandeng dersom det kjem slike søknadar.
2. Tiltak hjå nyetablerte bønder dei 5 første åra etter overtaking
3. Tiltak knytt til å sette i stand bygningsmasse med tanke på ny aktivitet under gamle tak eller tradisjonell bruk og tiltak knytt til tørrmura element og heilskapleg kulturmiljø
4. Gjennomføring av fellestiltak knytt til kartlegging av avrenning frå landbruksareala til vatn og vassdrag.

Forskrift om tilskot til spesielle miljøtiltak i jordbruket ble i 2017 revidert. Det ble i ettertid utarbeidd eit nytt rundskriv til den reviderte forskrifta. Søknadene vert sett i samanheng med det Regionale miljøprogrammet for Hordaland (RMP).

Vurdering:

Prioritering totalt sett: 14

Søkjær er ny brukar av ordninga og har nyleg starta opp med høylandsfe. Han ynskjer å gjerde inn eit større areal som har grodd att, med permanent elektrisk gjerde. Område har mest truleg vore nytta som beite-/slåttemark tidlegare. Arealet grenser mot eit større beiteareal som er i drift. Administrasjonen meiner det er positivt at kulturlandskapet kjem i drift og at tiligare drive jord kjem i bruk. Det er også positivt at ein får større samanhengande kulturlandskapsområder som er i aktiv drift. Administrasjonen legg også vekt på at søkjær er ny brukar og har nyleg starta opp drifta. Vidare meiner administrasjonen at tiltaket er i tråd med føremålet til SMIL-ordninga, jf. § 1 i SMIL-forskrifta.

Kostnadsoverslaget vert slik:

Tiltak	Mengde	Einingskostnad	Kostnad kr	Tilskots %	Tilskot kr
Gjerding og rydding synt på kart					
Gjerding, meter	500	35	17500		
Kjøregrind	1	1500	1500		
Montering/Boring, timer	35	300	10500		
Rydding av trase, timer	35	300	10500		
Sum			40000	50	20000

*Grunna begrensa med midlar har ikkje kommunen høve til å løyve heile gjerdestrekninga. Søkjar vert oppmoda om å søkje om resterende inngjerding ved neste SMIL-tildeling i 2018.

Søknaden er vurdert i høve til naturmangfaldlovas §§ 8-12, jf. § 7 og basert på artskart, naturbase og den kunnskap som administrasjonen har om viktige miljøverdiar på Vikebø. Det er kanten av område ein naturtype Kystmyr- jordvannsmyr med verdi B-viktig, jf. § 8. Administrasjonen meiner det ligg føre nok informasjon, og at føre-var prinsippet ikkje gjer seg gjeldane, jf. § 9. Omsøkt gjerde trase vil komme litt inn i ein del av naturtypen. Administrasjonen meiner at omsøkt gjerde ikkje vil påverke naturtypen negativt, og viser til at arealet skal beitast med storfe. I naturtypen sitt faktaark står det at ein bør unngå tekniske inngrep i lokaliteten, og tiltak som kan endre vassstanden i tjernet og myra rundt. Administrasjonen meiner at gjerdinga ikkje kan reknast som eit teknisk inngrep som kan påverke vassstand og verke negativt inn på naturtypen. Administrasjonen viser til at område mest truleg har vore beita tidlegare. Inngjerdinga vil i liten grad påverka utbygginga i området, og planlagd bruk er lik tidlegare bruk av område, jf. § 10.

Administrasjonen har vurdert det slik at tiltaket ikkje er i konflikt med dei omsyn som lova skal ta vare på (jf. §§ 8-12).

Vedtak

"Meland kommune løyver 20 000 kr i tilskot til Ole Petter Söderström på Gnr. 49 bnr. 145. Løyvinga er eit eingongstilskot. Vedtaket har heimel i §§ 5 og 8 i Forskrift om spesielle miljøtiltak i jordbruket.

Løyvinga vert gitt på følgjande vilkår:

Generelle vilkår:

- Frist for gjennomføringa av tiltaka er sett til inntil tre år frå løyving: 15.12.2020.
- Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein måned før oppsett frist går ut.
- Søkjar har forplikta seg i høve til ein rekkje punkt ved underskrift av søknadsskjema, jf. punkt 5 i søknadsskjema.
- Løyving av tilskot inneber ikkje at tiltaket er godkjend i høve til anna regelverk. Det er difor viktig at søkjar før gjennomføring av tiltak gjer seg kjend med aktuelle lover og forskrifter.

Særskilde vilkår – beite:

Omsøkt areal bør nyttast til beite/slått i inntil 10 år etter at tiltaket er gjennomført. Kommunen minner om at det på gamal kulturmark ikkje bør oppgjødselast eller nyttast fullgjødsel. Dette er viktig for å ta vare på breidda av det stadeigne artsmangfaldet. Ved gjerding skal gjerdet ha ein 4 mm overstreng og bendsel mellom kvar stolpe, det vert i tillegg sett krav om at det er understreng ved hald av småfe, og tilrådd ved hald av andre beitedyr, for å sikre god stabilitet og lengre levetid.

Regional kulturminneforvaltning:

Kulturminne og kulturmiljø som er freda etter Kulturminnelova, skal handsamst særskild. Regional kulturminneforvaltning må kontaktast ved t.d. istandsetting av freda bygning eller skjøtsel kring ein automatisk freda gravhaug, dersom dette går ut over tradisjonell bruk av området til slått eller beiting.

Utbetaling av tilskot og utsetjing av arbeidsfrist:

- Tilskot vert utbetalt når tiltaket er gjennomført i tråd med løyvinga.
- Søknad om delutbetaling av inntil 75 % av løyvd tilskot når tilsvarande mengd arbeid er utført.

- Resterande del på 25 % vert utbetalt når tiltaket er fullført og sluttrekneskap er godkjend av kommunen.
- I søknad om sluttutbetaling skal det leggast ved rekneskap med timelister, faktura og foto. Meland kommune har utarbeidd skjema til dette.
- Til utbetaling vil konto som oppgjeve på søknaden verte nytta. Søkjar plikter å informere skriftleg om endringar.
- Søknad om utsetjing av arbeidsfrist skal rettast til kommunen. Det er viktig at ein søker om utsetjing i god tid før fristen går ut, minimum ein måned før.

Kontroll:

Kommunen kan kontrollere at arbeid er gjort som omsøkt, jf § 9. Sakshandsamar hos Fylkesmannen kan også synfare tiltak. Statens Landbruksforvaltning eller Riksrevisjonen kan krevje naudsynte opplysningar og kontrollere at bruken av tilskotsmidlane er i tråd med føresetnadane.

Omgjering av vedtak:

Kommunen kan omgjere vedtak om løyvd tilskot dersom det oppstår tilhøve som er i strid med føresetnadane for løyvinga eller tilskotsordninga, jf. § 10. Kommunen minner om at løyvd tilskot kan trekkjast attende, heilt eller delvis, dersom det oppstår tilhøve som er i strid med føresetnadane for ordninga. ”

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl.). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen
sektorsjef teknisk

Marius Flemmen Knudsen
skog- og miljøkonsulent

Dokumentet er elektronisk godkjent og har difor ingen signatur.

Vedlegg:

SMIL søknad signert gbnr. 45-8

Kopi til:

Fylkesmannen i Hordaland

Postboks 7310

5020

BERGEN

Mottakere:

Ole Petter Söderstrøm

levegen 213

5917

ROSSLAND